


Ա. Ս. ՂԱՐԻՔՅԱՆ

1977 թ. մարտի 1-ին վախճանվեց ՀՍՍՀ ԳԱ ակադեմիկոս, գիտության վաստակավոր գործիչ, հանրապետության պետական մրցանակի դափնակիր, բանասիրական գիտությունների դոկտոր, պրոֆեսոր, անվանի լեզվաբան Ա. Ս. ՂԱՐԻՔՅԱՆԸ: Դադարեց գործելուց սիրտը մի մարդու,



որն իր անսպառ եռանդը, լայն գիտելիքներն ու անասելի աշխատունակությունը նվիրարեց հայագիտության զարգացման, գիտության ու ժողովրդական կրթության բնագավառների համար որակյալ մասնագետներ պատրաստելու մեծ գործին:

Արարատ Սահակի Ղարիբյանը ծնվել է 1899 թ. հունվարի 27-ին Արտաշատի շրջանի Այգեղարդ (Դարդալու) գյուղում, հողագործի ընտանիքում: 1919 թ. փայլուն առաջադիմությամբ ավարտել է Երևանի արական գիմնազիան: 1923 թ. ընդունվել է Երևանի պետական համալսարանի բանասիրական ֆակուլտետը և այն ավարտել 1927 թ. 1928—1930 թթ. սովորել է համալսարանի ասպիրանտուրայում՝ մեծ հայացքով: Աճառյանի ղեկավարությամբ մասնագիտանալով հայոց լեզվի պատմության ուղղությամբ: Այնուհետև լենինգրադում որոշ ժամանակ հետևել է ակադեմիկոս Ս. Յա. Մաուի

դասախոսություններում: 1929—1948 թթ. դասախոսել է Երևանի պետական համալսարանում, 1934 թ. մինչև իր կյանքի վերջը՝ Խ. Արովյանի անվան մանկավարժական ինստիտուտում: Դրանց ղուգահեռ տարբեր ժամանակներում աշխատել է նաև Երևանի հեռակա, ուսակաճ, լենինականի, Թբիլիսիի, Բաքվի մանկավարժական ինստիտուտներում: Ավանդել է հայ բարբառագիտության, հայոց լեզվի սլաստության, պատմական քերականության, հայոց և ուսաց լեզուների զուգադրական քերականության, հայոց լեզվի դասավանդման մեթոդիկայի դասընթացներ: 1934 թ. եղել է Խ. Արովյանի անվան մանկավարժական ինստիտուտի հայոց լեզվի ամբիոնի հիմնադիր վարիչը (մինչև 1960 թ.): 1944 թ. հիմնվում է ՀՍՍՀ ԳԱ լեզվի ինստիտուտը, որի առաջին դիրեկտորն է դառնում ինքը: Ապա պաշտոնավարել է որպես ակադեմիայի գրադարանային խորհրդի նախագահ և հիմնականում գրադարանի դիրեկտոր: 1947 թ. Ա. Ս. Ղարիբյանն ընտրվել է ՀՍՍՀ ԳԱ թղթակից անդամ, իսկ 1960 թ.՝ իսկական անդամ: 1954 թ. նրան շնորհվել է գիտության վաստակավոր գործչի կոչում: 1969 թ. պարգևատրվել է Աշխատանքային կարմիր դրոշի շքանշանով: Նա պարգևատրված էր նաև մեդալներով ու պատվոգրերով:

Ա. Ղարիբյանի գիտա-կազմակերպչական աշխատանքը լայն ընդգրկում ուներ: Վերոհիշյալից բացի, նա երկար տարիներ հասարակական կարգով աշխատել է որպես ակադեմիայի հասարակական գիտությունների բաժանմունքի ակադեմիկոս քարտուղարի տեղակալ, ղեկավարել է լեզվի, գրականության և արվեստի՝ գիտական աստիճաններ շնորհող միացյալ խորհուրդը, եղել է Պատմա-բանասիրական հանդեսի խմբագրական կոլեգիայի անդամ և այլն: Այս բոլոր գեպքերում բուռն ու բովանդակալից է եղել այդ անձնվեր աշխատավորի գործը:

Նրա անվան հետ են կապված գիտական մի շարք ձեռնարկումներ, որոնց իրագործումը ի սպաս է դրվել գիտության զարգացմանը: Նրա նախաձեռնությամբ լեզվի ինստիտուտում սկսվեց և իրագործվեց հայ նոր գրականության դասական ու ժամանակակից շրջանի լավագույն երկերի քարտադրումը, որն ուղղված էր մեր նոր գրական լեզվի բառապաշարի ուսումնասիրման և ժամանակակից հայերենի բա-

դատական բառարանի կազմման նպատակին: Սկսեց կազմվել ուսմ-հայերեն բառահատոր բառարանը, հրապարակվեցին գիտական ժողովածուներ, մենագրություններ և այլն: Նա խորապես մտահոգված էր հայ հին մատենագրության նշանավոր բնագրերի համաբարբառի ստեղծման խնդրով: Նախ՝ Հ. Աճառյանի անվան լեզվի ինստիտուտի և ապա ակադեմիայի հիմնականում գրադարանի շրջանակներում նրա ղեկավարությամբ սկսեց իրականացվել քարտագրումը: Համեմատաբար կարճ ժամանակում և սակավաթիվ աշխատողների միջոցով ստեղծվեց շատ հարուստ քարտարան, կազմվեցին ու հրապարակվեցին համաբարբառի մի շարք ստվար հատորներ, որոնք արժանացան թե՛ սովետական և թե՛ արտասահմանյան շատ մասնագետների բարձր գնահատականին: Դա չափազանց կարևոր ձեռնարկում է և, անշուշտ, պիտի շարունակվի նախաձեռնողի մահից հետո ու հասցվի ցանկալի ավարտին:

Առանձնապես նշանակալից է նրա կատարածը հայ բարբառագիտության բնագավառում: Իր բարբառագիտական աշխատանքը նա ծավալել է երկու ուղղությամբ՝ բարբառային նյութի վերհանումով, գիտության համար նոր հայտնի դարձվող բարբառների գիտական նկարագրությամբ և կուտակված նյութի տեսական ընդհանրացմամբ ու դասակարգմամբ: Հայտնաբերել ու նկարագրել է 15 բարբառ, 6 ենթաբարբառ էլ առաջարկել է ընդունել իբրև բարբառ՝ հենվելով դրանց կառուցվածքային բնորոշ հատկանիշների վրա: Նա զարգացրել է հայ բարբառների դասակարգման աճառյանական տեսությունը: Նրա բարբառագիտական հետազոտությունների հանգուցակետը եղավ «Հայ բարբառագիտություն» ծավալուն և լուրջ աշխատությունը (1953 թ.), որը նշանակալից դեր է կատարել մեզանում բարբառագիտական հետազոտությունների համար: Շարունակելով իր պրպտումները՝ գիտնականը այնուհետև տվել է բարբառագիտական ուրիշ գործեր ևս: Ուշագրավ էր գիտական այն բանավեճը, որ նրա նախաձեռնությամբ ծավալվեց հայ բարբառների բաղաձայնական համակարգի առաջացման վերաբերյալ նախ՝ «Պատմաբանասիրական հանդեսում», ապա՝ «Вопросы языкознания» միութենական պարբերականում: Բարձրացված խնդիրը շարժեց շատ գիտնականների հետաքրքրությունը, և մեր երկրի ու արտասահմանյան մի շարք ճանաչված մասնագետներ առիթ ունեցան իրենց կարծիքն արտահայտելու: Բանավեճը շատ օգտակար եղավ, քանի որ առաջ քաշվեցին նաև այնպիսի հարցեր, որոնք էական նշանակություն ունեն

հայոց լեզվի պատմական զարգացման որոշ կողմերի գիտական լուսաբանության առումով և զգալի նպաստ բերեցին հայագիտության զարգացմանը:

Հայոց լեզվի պատմությանն ու պատմական քերականությանն են նվիրված նրա մի շարք աշխատությունները, որոնցից առանձնապես պետք է նշել «Հայոց լեզվի պատմության ուսումնասիրության ներածությունը» (1937 թ.), որտեղ հեղինակը ձգտել է ուրվագծել հայոց լեզվի անցած պատմական ուղին: Այնտեղ, իհարկե, կան հետաքրքրական հարցադրումներ, սակայն ելակետային հարցերում հեղինակը ելնում է ն. Մառի «Լեզվի նոր ուսմունքի» այն ժամանակ իշխած դրույթներից:

Մեծ է Ա. Ս. Ղարիբյանի ներդրումը բառարանագրության ասպարեզում: Հեղինակակցությամբ կազմել, այլև խմբագրել է ուսերենի հետ առնչվող մի քանի բառարաններ: Սակայն նրա բառարանագրական գլուխգործոցը եղավ ստվարածավալ «Թուս-հայերեն բառարանը» (1968 թ.), որն արժանացավ հանրապետության պետական մրցանակի: Եռանդուն բառարանագիրն սկսել և ուժեղ թափով առաջ էր տանում հայ-ուսերեն բառարանի ստեղծման աշխատանքը, որը, ցավոք, չհասցրեց ավարտել:

Անգնահատելի է Ա. Ս. Ղարիբյանի վաստակը դպրոցական դասագրքերի ու մեթոդական ձեռնարկների ստեղծման գործում: Դպրոցին օգնելը եղել է գիտնականի լայնահուն գործունեության էական կողմերից մեկը: Հատկապես նշելի է 5—6-րդ դասարանների համար գրած հայոց լեզվի նրա դասագիրքը, որը հսկայական դեր կատարեց հայ դպրոցի կյանքում:

Երկար տարիներ ուսուցիչների ու բարձրագույն դպրոցների ուսանողների սեղանի գիրքն են եղել «Հայոց լեզվի մեթոդիկա» (1938 թ., 1947 թ.), «Հայոց լեզվի դասավանդման մեթոդիկա» (1954 թ.) աշխատությունները: Էլ չենք խոսում մեթոդական այլևայլ ուղեցույցների մասին:

Չափազանց բեղմնավոր է եղել Ա. Ս. Ղարիբյանի գրիչը նրա գրած գրքերի ու հոդվածների թիվը անցնում է 200-ից: Ներգործուն էր նրա խոսքը՝ օժտված ընդգծված հոստորականությամբ: Ա. Ս. Ղարիբյանը ակտիվ խառնվածքի տեր էր: Իր գործուն մասնակցությունն էր բերում նաև հասարակական աշխատանքներին: Նա լի էր շատ մտահղացումներով ու ծրագրերով, որոնց իրագործումն անկատար թույլիով՝ հրաժեշտ տվեց կյանքին, որն այնքան էլ բերական չէր սիրում:

Պրոֆ. Ա. ԱՐԲԱՀԱՄՅԱՆ